

## **Pleiv Rueun Ruschein Siat Pigniu**

### **Protocol dalla radunanza generala dils 30.04.2023 allas 19.00 uras, a Siat**

#### **Beinvegni ed appel**

Punctual arva il president Duri Coray la radunanza ed astga beneventar 30 parochianas e parochians vuschabels.

Medemamein presents , denton senza dretg da vuschar, ei era nies fiduziari Adrian Bergamin.

Perstgisas : neginas

Giesta da tractandas:

1. Elecziun da dus/as dumravuschs
2. Protocol dalla radunanza generala dils 24.04.2022 a Ruschein
3. Rapport dil president
4. Plaid digl augsegner
5. Rendament da quen per 2022 e preventiv 2023
6. Rapport dallas revisuras ed approbaziun dil quen e preventiv
7. Fixar il pei da taglia per 2024
8. Elecziuns/ reelecziuns
  - a) Suprastanza da pleiv
  - b) Cumissiun da gestiun
9. Orientaziuns
10. Varia

## **1. Elecziun da dus/as dumbravuschs**

Dumbravuschs vegnan tscharni ed elegi:      Marlis Camiu, Rueun

Umberto Caduff, Rueun

## **2. Protocol dalla radunanza generala dils 24-04- 2022 a Ruschein**

Il protocol sura numnaus ei staus publicaus per liung temps sin la pagina d'internet da nossa pleiv. Ina prelecziun vegn buca pretendida.

Il protocol dalla radunanza generala dils 24-04-2022 vegn approbaus unanim.

## **3. Rapport dil president**

Sco usitau dat il president in sguard anavos sin il curriu e passau dapi la davosa radunanza generala dils 24-04-2022. Igl onn vargau hagi il manteniment da baghetgs buca occupau la suprastonza schi fetg sco auters onns, denton pintgas reparaturas d'urgenza detti ei adina da far.

El focus seigi denton l'instrucziun relegiusa en scola stada . Avon in onn hagi ei dau midadas da catechetas . Previu eran duas catechetas, ina cun experienza ed ina novita. Cuort avon l'entschatta digl onn da scola, ei ina catecheta serertratga. Aschia era Madalena Bisquolm tuttenina persula cun sis classas, e quei senza scolaziun e senza experienza . El decuors digl onn hagi ei semussau che quei pensum era per Madalena memia gronds. Per cletg hagiens anflau cun Anna Maria Genelin da Mustér in rinforzament.

La ductrina e la preparziun dils affons emprem communicants sin l'eucaristia seigi stau in grond thema da discussiun. Las malaveglias seigien seresultadas ord malcapientschas ed ord la sura numnada situaziun nuncuntenteivla dall'instrucziun religiusa. Il conclus seigi stau in pustament dall'emprema communiu a Rueun, sin in proxim onn.

Alla fin da siu rapport dat il president da patertgar, ch`ei seigi el mument in cumbat dat A tochen Z e cun la munconza da persunal seigi ei grev da tener la barca sil cuors. La fusiun da nossas pleivs hagi buca purtau igl effect giavischau.

#### **4. Plaid digl augsegner**

Sur Thomas ha teniu siu plaid fetg cuort, entschevend sco usitau cun statistica da battens e mortoris per igl onn 2022 en las singulas pleivs.

A Rueun	3 battens	4 mortoris
A Ruschein	3 battens	5 mortoris
A Siat	1 batten	4 mortoris
A Pigniu	0 batten	0 mortoris

Sco era gia ils davos onns , detti en nossa pleiv dapli mortoris che battens.  
Quei meini secapescha tier ina digrend da parochianas/s.

Plinavon menziunescha Sur Thomas che suenter corona seigien buca tut la glieud turnai anavos en baselgia. El deploreschi quei, ei detti denton nuot auer ch`insister vinavon. Cun quels plaids siara Sur Thomas siu plaid.

#### **5 Rendament da quen 2022 e preventiv 2023**

Il cassier Toni Albin presenta il quen da gudogn e sperdita 2022, sco era la bilanza dils 31.12. 2022 ed il preventiv 2023 fetg detagliau e clar capeivel e quei cun agid d`in projectur.

Per ils 31.12.2022 muossa la pleiv RRSP ora ina summa da bilanza da frs.

**2`081`076.59 ed in capital jester da frs. 459`507.25**

<u>Quen da gudogn e sperdita 2022</u>	<u>preventiv 2023</u>
Total entradas	301`684.55
Total expensas	300`098.90
<b>Gudogn</b>	<b><u>1`585.65</u></b>

Il president engrazia a Toni Albin ed Adrian Bergamin per lur lavur e dat liber alla radunanza da tschenttar damondas. Ei vegn tschentau neginas damondas.

## **6. Rapport dallas revisuras ed approbaziun dil quen 2022 e preventiv 2023**

Claudia Tomaschett e Cornelia Coray han revediu il quen administrativ 2022 dalla pleiv .

Las revisuras laudan la grondiusa lavur dil cassier Toni Albin e da nies fiduziari Adrian Bergamin. Tut ils mussaments giavischai e pretendi seigien avon maun ed ordinai surveiseivlamein.

La contabilitad sei menada zun professiunal e tenor igl uorden . Era la bilanza ed il quen da menaschi sei tut correct e capeivel.

Las revisuras engrazien a Toni Albin ed Adrian Bergamin per la gronda e buna lavur e proponan d`approbar il quen e dar scarica alla suprastanza.

Il quen 2022 ed era il preventiv 2023 vegnan approbai unanimamein.

## **7. Fixar il pei da taglia per 2024**

Il pei da taglia per 2024 resta sin 16% dalla taglia cantunala. Decisiun unanim.

## **8. Elecziuns**

### a) Suprastanza da pleiv

Il president Duri Coray, il gerau da baghetgs e schischem Martin Schnoz ed igl actuar e vice-president Hubertus Spescha vegnan elegi unanimamein.

Il cassier Toni Albin ha deplorablamein demissiunau. Aschia ha ei dau d`encurir ina succesiun. Bettina Bertogg da Ruschein ha sedeclarau prompta da surprender igl uffeci da cassiera e vegn elegida unanimamein.

### b) Revisuras da quen

Deplorablamein ha Claudia Tomaschett demissiunau. En siu plaz vegn Toni Albin proponius.

Aschia vegnan Cornelia Coray ed Toni Albin tscharni ed elegi unanim.

A Toni Albin sco era a Claudia Tomaschett descha in grond engraziament per lur concensiusa lavur en favur dalla pleiv.

## **9. Orientaziuns**

Il president orientescha, per il proxim onn da scola hagien nus saviu pladir dunna Anna Maria Genelin da Mustér sco catecheta. Dunna Genelin hagi las scolaziuns necessarias ed era gia experienza cun l`instucziun religiosa.

Previu ei, che Madalena Bisquolm instruess las classas 1-2 ed Anna Maria Genelin las classas 3 - 6.

Il cassier orientescha,l`instalaziun per l`illuminaziun digl intern dalla caplutta s. Gion a Siat, seigi surdada alla fatschenta Cadruvi SA Glion. Demai ch`ei hagi dau retards tier la furniziun da material seigi la lavur aunc buca exequida. Sin fin matg 2023 duess quella lavur denton esser terminada.

## **10. Varia**

Ella claustra da Mustér dat ei mintgamai igl emprem venderdis dil meins ina sentupada per giuventetgna. Il president ei vegnius suplicaus da far empau enconuschent quella caussa.

Plinavon dat ei a Lisbon dils 29.07.2023 entochen ils 8. 08.2023 la sentupada da giuventetgna catolica mundiala.

Ella discussiun libra dat ei critics votums pertucont la lavur da nies plevon. Sur Thomas meini nossa pleiv cun ferm maun, enqueri pauc il contact cun la cumminonza ed ei maunchi era la bunaveglia da luvrar ensem en baselgia cun dunnas laic teologas. Sur Thomas rispunda: el seigi prompts da luvrar ensem en dunnas laic teologas, denton il celebratur principal dalla s. messa seigi il plevon ed ils laics seigien accumpagnaders e buca il cuntrari. Era il perdegar en baselgia seigi caussa dil plevon.

Vinavon dat ei entgins votums encunter l`instrucziun religiosa per ils affons emprem communicants a Rueun. Criticau vegn principalmein l`instrucziun dalla penetiencia. La penetiencia en confessiunal seigi dil temps vargau e buca

pli giavischau. Sur Thomas ei denton dil mein ch`ei seigi impurtont da mussar als affons ch`ei detti quella pusseivladat ella baselgia catolica, naturalmein stetti pli tard liber a mintgin/ a tgi che vegli far diever e tgi buc.

Igl ei stau in`intensiva discussiun denton fetg disciplinada.

Allas 20.30 siara il president la radunanza cun engraziar per la participaziun e giavischond in bien retuorn a casa.

Siat ils 30-04-2023

il president Duri Coray

igl actuar Hubertus Spescha